

23. »buscum mihi pugnandum in hoc belli discrimine. Proe-
 24. »liaturos eminus prospicio istos, qui huc convenere, Dhrita-
 25. »ràshtrae filio scelerato pugna gratificari volentes.«

SANJAYAS loquitur:

24. Ita compellatus Krishnas ab Arjuna, o Bhârata, in utrius-
 25. que agminis intervallo currum sistens egregium, Bhîshma
 26. Drônaque coram, universisque proceribus, En tibi, inquit,
 27. istos Kuruidas huc progressos! Ibi vidit stantes Arjuna
 28. patres atque avos, magistros, avunculos, fratres, filios, nepo-
 29. tes, nec non familiares, soceros et amicos quoque, pariter
 30. in utroque agmine. Hosce conspiciens ille, Kuntidis natus, uni-
 31. versos cognatos in acie stantes, summa miseratione com-
 32. motus fracto animo haec proloquutus est:

ARJUNAS loquitur:

- Visa ista cognatorum turba, qui proeliabundi huc progressi
 29. sunt, fatiscunt mihi membra, et os exsanguie contabescit,
 30. tremorque corpus meum pilorumque horror occupat; ar-
 31. cus elabitur manu, et cutis penitus peruritur, nec iam con-
 32. sistere valeo, et mens mea quasi titubat. Atque omina vi-
 33. deo infelicia, o Pulcricome, nec fausti quidquam praevideo,
 34. cognatis in acie caesis. Haud cupio victoriam, Krishna,
 35. neque imperium, nec voluptates. Quorsum nobis imperium,
 36. Nomie? quorsum opes vel vita etiam? Quorum gratia cu-
 37. piuntur a nobis imperium, opes voluptatesque, ii ipsi ad pug-
 38. nam congressi sunt, anima divitiisque suis proiectis: magistri,
 39. patres, filii, avique itidem, avunculi, soceri, nepotes, levires,
 40. nec non agnati. Istos caedere nolo, vel maxime caedentes,
 41. o Madhuis interfector! ne mundo quidem tergemino impe-